

# EKIWANDIIKO EKIRAMBIKA LVEMP II BY'EGENDA OKUKOLERA ABANTU ENGERI GY'EBINAKOLEBWA AWAMU N'OBUVUNANYIZIBWA BW'ABANTU (CLIENT SERVICE CHARTER)

The Regional Coordinator - LVEMP II Civil Society Watch Project of the East African Sustainability Watch Network, (C/o UCSD) Nsambya - Kabalagala(Gaba Road),  
P. O. Box 27551 Kampala (Uganda) Tel: +256 414 269 461, Email: Ugandacoalition@infocom.co.ug, www.easuswatch.org

The National Coordinator (C/o UCSD), Nsambya - Kabalagala (Gaba Road)  
P. O. Box 27551 Kampala (Uganda) Tel: +256 414 269461 Email: dmwayafu@ugandacoalition.or.ug, www.ugandacoalition.or.ug



**LVEMP II erina ekigendererwa eky' okulaba nti obugagga  
n'obutonde obusangibwa mu kitundu omuli  
Ennyanja Nalubaale bukozesebwa bulungi.**



Ekitongole ekya East African Sustainability Watch Network (EA SusWatch Network) y’entabiro y’ebibiina binnakyeewa ebisangibwa mu Uganda, Kenya ne Tanzania. Ebibiina bino birina eggwandikiro lyabyo mu kitongole kya Uganda Coalition for Sustainable Development (UCSD) e Kampala mu Uganda. Ekiwandiiiko ekirambika LVEMP II by’egenda okukolera abantu engeri gy’ebinakolebwa awamu n’obuvunanyizibwa bw’abantu (Client Service Charter), kyakolebwa oluvanyuma lw’okwebuuza ku bantu abasangibwa mu bitundu omuyita omugga Nyando e Kenya, Simiyu oguli mu Tanzania awamu n’omugga Katonga oguli mu Uganda. Mu ngeri y’emu waaliwo okwebuuza ku bantu abalala abakwatibwaako ensonga eno mu kitundu omuli ennyanja Nalubaale.

Ekiwadiiko kino (Client Service Charter) kyakolebwa nga y’emu ku ntekateeka ya ppuloojekiti eyitibwa EA SusWatch Network’s LVEMP II Civil Society Watch Project. Ppuloojekiti eno erafubana okulaba nga ebigendererwa bya Lake Victoria Environmental Management Project (LVEMP II) ne East African Community Climate Change Policy (EACCCP) bituukirizibwa.

Ekitongole kya LVEMP II ye ppuloojekiti etaba amawanga oba ensi ezebalamye ekitundu kyonna omuli ennyanja Nnalubaale abasinga gye bamanyi nga Victoria. LVEMP II erina ekigendererwa eky’okulaba nti obugagga n’obutonde obusangibwa mu kitundu omuli ennyanja Nalubaale bukozesebwa bulungi buleme kusaana-wo. LVEMP II yatadikibwa gavumenti z’amawanga agegattira mu mukago gw’ensi ettaano ezisangibwa mu bugwanjuba bw’Africa omuli (Burundi, Kenya, Rwanda,Tanzania ne Uganda). Ebitongole ebisakirira n’okuyamba LVEMP II bye bino; (Global Environment Facility; Government of Sweden; saako ne World Bank). Ekigendererwa ky’omukago guno kwe kwanukula omulanga ogwoleka nti embeera y’obutonde mu kitundu kyonna omuli ennyanja Nnalubaale egenze eyonooneka.

Ppuloojekiti ya LVEMP II egenderera okwanganga okusoomozebwa okweyolekera mu mbeera zino; okweyongera kw’omuwendo gwo’bungi bw’abantu ogusukkiridde era nga guvuddeko embiranye ku ngeri ettaka gyeliba likozesebwa n’ekyokuba nti ettaka ligenda lyonooneka; okwonoona oba okutemaggula ebibira okusobola okufuna emiti egizimbisibwa ssaako ettaka ery’okulimirako; okulima mu ntobazi awamu ne ku mbalama z’ennyanja; mukoka ayonoona ettaka namazzi olw’ennima etali yamulembe; ettaka okukuluguka; okukugira n’emiziziko egikolebwa mu mazzi g’ennyanja n’emigga okuyitiridde; okuzaalukuka kwebika by’omuuddo ogwetanira ennyo amazzi gamba nga ekiddo ki water hyacinth; obutaba nanteekateeka nungi naddala erambika enkulakulana y’ebibuga ssaako n’amakolero ekivuddeko obutalabirira bulungi kazambi (ebisasiro); okuyiwayiwa eddagala ery’obulabe nandala erifuuyirwa ku birime ne ku bisolo ssaako kazambi’owamazzi; okukend- eera kw’obungi bw’amazzi era nga kino kivuddeko obuzibu obweyolekera mu kutaataaganya eby’enfuna n’obutonde bw’ensi era nga kikosa nnyo amawanga agali mu kitundu kino.

Nabwekityo, LVEMP II egenderera okuddaabulula ennyanja awamu n’ebitundu ebigyetooldde, kisobozese abantu abasangibwa mu kitundu kino, ebyenfuna byamawanga gano n’ensi yonna okutwalira awamu okubeera nga baganyulwa mu ntekateeka eno. Kikulu nnyo abantu okumanya nti amawanga ataano ag’omukago geewola ezimu ku sente oba obuyambi okuva mu LVEMP II N’olwekyo bannansi balina okukozesa obuyambi buno n’obwegendereza okulaba nti baganyulwa bulungi mu ppuloojekiti ya LVEMP II. Uganda yeewola ddoola za America obukadde 27.5 (USD) okuva mu kitongole kya IDA, Kenya yeewola obukadde bwa ddoola za America 30 (USD) ,Tanzania n’eyeewola obukadde 32.5 (USD), Burundi obukadde bwa ddoola za America 15 (USD) ne Rwanda obukadde 15(USD) ziyambeko ku bikolebwa mu kitundu kino.

**Lwaki kyetaagisa okubeera ne Kiwandiiko (Client Service Charter) kino ?**

Ekiwandiiko kino kirambika mu butongole abantu byebasuubira nti ekitongole kijja kubakolera awamu ne’byo ekitongole byeki-suubirwa okuva eri abantu be kiweereza. Kiwandiiko kikulu nnyo eri ebitongole naabo bekiweereza, abakiganyulwamu, abakirinako

obukwate awamu nabalondoola ssaako n’okukwasisa ebiragiro. Emirimu gya LVEMP II gikolebwa abantu n’ebitongole bingi eby-enjawulo, erina ebiruubirirwa , enkola y’emirimu, ekolera mu mbeera y’ensi egenda eyawukana (Geographical diversity) era nga LVEMP II, ekolera emirimu mu mawanga mangi ate nga galina n’obukulembeze awamu n’obuyinza obwenjawulo, Abamu ku baddukanya emirimu gya LVEMP II mulimu omukago gw’ensi ettaano, ssaako n’emitendera egigobererwa (okuviira ddala ku Minister, abawandiisi abenkalakkalira abali mu bitongole ebikolaga- gana ne LVEMP II, n’okutuukira ddala ku bantu ababulijjo era nga ppuloojekiti ya LVEMP II besinga okwagala okubeera nga baganyulwa mu ntekateeka zaayo. Abantu babulijjo basuubirwa okukolaga- gana obulungi ne LVEMP II okugisobozesa okutukiriza ebigendererwa byayo. Ppuloojekiti eno egendererera okusitula omutindo gw’obulamu n’embeera y’abantu awamu n’okubasobozesa okuy- ambako ku kuzzaawo obutonde bw’ensi obwensibo obway-onoonebwa naddala mu kitundu omuli ennyanja Nnalubaale. Abalala abaddukanya emirimu gya LVEMP II mulimu; ebitongole ebisakirira n’okuyamba enkulakulana mu mawanga, ebitongole binnakyeewa (NGOs ne CBOs ), eby’obwannanyini ebitali bya gavumenti (private sector), emikutu gya mawulirire n’empuliziganya awamu n’abakulembeze b’ebitundu eby’enjawulo (local authori- ties).

Okuva mu mwaka 2011,ekitongole kya EA SusWatch kisobodde bulungi nnyo okulondoola entambula y’emirimu egikolebwa LVEMP II. Mu kulondoola kuno kizuuse nti waliwo obwetaavu ob- wamangu ennyo eri abo bonna abakola emirimu gya LVEMP II oku- teekawo obuwaandiike obulaga biki byebategesa okukola, engeri gyebanabikola, n’ekiseera webanaabikolera. Bino byatuukibwako oluvannyuma lw’okutuuzza enkiiko z’abantu, okufuna ebirowoozo ebiva mu bantu nga beyambisa emikutu gy’ebympuliziganya awa- mu ne nkiiko ssatu ezatuuzibwa n’ekigendererwa eky’okwebuuza ku bantu.

Entabiro y’ekitongole kya EA SusWatch Network bakakasa nti ekiwandiiiko ekirambika LVEMP II by’egenda okukolera abantu n’engeri gy’ebinakolebwa (Client ServiceCharter), kijja kuziba omuwaatwa ogubadde wakati w’abantu abaganyulwa mu ppu- loojekiti eno naabo abali mu bibiina ebiddukanya ppuloojekiti ezi- wagirwa LVEMP II. Kino kiwa abantu omukisa okuwa amawulire agakwata ku ntambula ya ppuloojekiti, okuwa endowooza yaabwe oba amagezi ku kiba kikolebwa okutereeza ebitatambudde bulungi ssaako n’okuwaayo okwemulugunya kwabwe singa wabaawo ob- utali bumativu ku nsonga yonna ekwata ku ntambuza ya LVEMP II.

Mu ngeri y’emu, olw’okubanga ekiwandiiko kino (Client Charter) kitaddewo okwogeraganya n’abantu , abaddukanya LVEMP II, bajja kufaayo nnyo, okulaba nti bakuuma omutindo gwebikolebwa, okuweebwa ekitiibwa olw’okubanga bawuliriza ebirowoozo ebi- zimba ebiva mu bantu awamu n’ebyo ebibakuba ku nsolobotto. Okusingira ddala, ekiwandiiko kino kijja kuyamba nnyo okukugira abantu abatali bantu balamu songa ate baganyulwa mu LVEMP II obutatuusa bulabe obw’engeri yonna eri abakozi b’ebibiina ebid- dukanya ppuloojekiti eziwagirwa LVEMP II, ssaako n’ekyokuba nti ekiwadiiko kino (Client Service Charter), kiteekawo embeera okus- inziirwa okupima LVEMP II by’esobodde okukola e bituukiridde awamu nebitatuukiridde.

Okusobola okutuukiriza entekateeka eyogeddwako ,ekitongole kya EA SusWatch Network kirowooza nti ekiwandiiko ekirambika LVEMP II by’egenda okukolera abantu n’engeri gy’ebinakolebwa (Client Service Charter), kibeemu bino wamanga;

■ Okussa essira ku bitongole eby’okumwanjo gamba, ebikola emirimu gya LVEMP II ku musingi ogw’eggwanga lyonna awamu n’ebyo ebiri ebweeru w’eggwanga mu kitundu LVEMP II mwekolera, ssaako okutuusa obuyambi mu bantu nga eyita mu bibiina binnakyeewa ebitandikibwawo abantu era nga bikolera mu bitundu abantu abo gyebabeera.(Community-based Organi- zation - CBO). Olwokubanga abantu basuubirwa okuganyulwa mu ntekateeka ya LVEMP II naddala akatundu nnamba 3 (akak- wata ku kweyambisa enkola ey’abantu bennyini okulambika en- kulakulalana- eyetaagibwa okusobola okukekkereza n’okukozesa obulungi amazzi agali mu kitundu kino), ekiwandiiko kino (Client Service Charter) ekirambika LVEMP II by’egenda okukolera aban-

tu n’engeri gy’ebinakolebwa kijja kussa essira ku katundu kano nnamba 3 nga y’engeri enasobozesa abantu okuganyulwa mu ppuloojekiti eno mu bujjuvu.

■ Okusobozesa abantu okuwa amawulire agakwata ku ntambula ya ppuloojekiti, okuwa endowooza yabwe oba amagezi eri abaddukanya LVEMP II ku kiba kikolebwa ku musingi gw’amawanga (regional levels) awamu n’ogw’eggwanga lyonna. Ekirala kwe kuba nti ekiwaandiiko kino (Client Service Charter), kissaawo enkola ennambulukufu en’egobererwa okusobozesa abantu okuwaayo okwemulugunya kwabwe singa wabaawo ob- utali bumativu ku nsonga yonna ekwata ku ntambuza ya LVEMP II, wano mu ggwanga n’ebweeru waalyo mu kitundu LVEMP II mwe- kolera

■ Ekiwaandiiko kino (Client Service Charter) okubeera nga kiri ku musingi ogw’okuweereza abantu (public service), kino kisobozese abo bonna abatuusa obuweereza bwa LVEMP II oku- faayo ennyo okuweereza abantu olw’ensonga nti LVEMP II etaba amawanga mangi (regional),erimu ebitongole bingi, songa ate n’abaganyulwa mu LVEMP II nabo bangi ddala.

**Ekiwaandiiko kino (Client Charter) kirina bigendererwa ki?**

■ Okusobozesa abo bonna abaganyulwa mu nsi zino ettaano (5) okuganyulwa mu LVEMP II mu bujjuvu. Ekiwaandiiko kino (Client Service Charter) kiwa abantu omukisa okuwa amawu- lire agakwata ku ntambula ya ppuloojekiti, okuwa endowooza yabwe oba amagezi ku kiba kikolebwa okutereeza ebitatambudde bulungi.

■ Okussaawo enkola ey’okwogeraganya wakati wa ba- kola emirimu gya LVEMP (mu ggwanga n’ebweeru w’eggwanga mu kitundu LVEMP II mwekolera ), naabo bonna abaganyulwa abali mu nsi ettaano (5). Kino kigenderera okusitula omutindo gw’obuweereza, okuwa amagezi agazimba n’okulongoosa ebyo ebitakoleddwa bulungi.

■ Okuteekawo enkola ennambulukufu abantu mwebayisa okwemulugunya kwaabwe ku nsonga yonna ekwata ku ntambuza y’emirimu gya LVEMP II.

**Ekiwaandiiko kino (LVEMP II Client Charter) kigenda ku- lungamizibwa kitya ?**

■ Abantu okukiriza nti ppuloojekiti yaabwe, bakolagana bulungi awatali bukuusa. (okukolagana okwesigamiziddwa ku ku- wangana ekitiibwa)

■ Okubeera n’ekolagana ey’obweerufu oba obwesimbu mu nzirukanya ya ppulojeekiti entonotono ezatandikibwaawo abantu (Community- Driven Development (CDD) sub type projects),abantu ze basinga okwettanira.

■ Okulaba nti waliwo okufaayo ennyo okutuukiriza n’okufuna byonna ebisuubirwa mu LVEMP II mu kiseera ekigere, naddala ebirina okufunibwa okuva mu ppulojeekiti entonotono eza- tandikibwaawo abantu (Community- Driven Development (CDD) sub type projects)

■ Okufaayo ennyo n’okukuuma embeera y’obutonde bw’ensi naddala mu kutambuza ya ppulojeekiti entonotono eza- tandikibwaawo abantu (Community- Driven Development (CDD) sub type projects).

■ LVEMP II eweereza abantu bonna ababuli ngeri. Tewali- na kubaawo kusosola oba okuboola abantu olwekikula kyabwe babe bakyala, abaami, abavubuka naabo abaliko obulemu bonna balina okuganyulwa mu LVEMP II.

**Ensonga enkulu ezeetagisa okwongera mu kiwaandiiko kino (LVEMP II Client Service Charter)**

■ Ensonga enkulu ezeetagisa okwongera mu kiwaandiiko kino zikwata ku njuyi ebbiri: ebitongole eby’okumwanjo ebikola emirimu bya LVEMP II ssaako n’abantu abaganyulwa mu LVEMP II

Ensonga ezikwata ku bitongole ebikola emirimu bya LVEMP II ( mu mawanga mwekolera,LVBC, ku musingi ogw’eggwanga ly- onna, ku district n’ebitundu ebikako wansi wa district)

■ Endagiriro entuufu ey’omuntu / ey’abantu bonna kisoboz- ese okumanya anatuukiriirwa Ku nsonga eri mu ddiiro

■ Abantu okubeera n’obwebange okusobola okufuna

n’okumanya byonna ebifa ku LVEMP II buli kiseera awatali kuku- girwa okwengeri yonna (ebiri mu buwandiike awamu n’amaloboози ssaako n’ebifaananyi)

■ Okuteekawo enkola enegobererwa abantu abaganyulwa mu LVEMP II, ne kyebalina okukola singa balowooza nti ebilu- ubirirwa by’obuweereza bwa LVEMP II tebituukiridde

■ Okussaawo enkola eyamba okugabana okumanya n’obukugu awaamu n’okubisaasanya mu bitundu ebirala.

■ Okunyonyola abantu enkola egobererwa n’entambuza y’emirimu egikolebwa.

■ Okussaawo ekitawuluzi abantu we baweerayo okwe- mugunya kwabwe oba okulaga obutali bumativu ku ntambula y’emirimu gya LVEMP II.

■ LVEMP II eteekewo omukiise w’abantu anakolagana obutereevu n’abantu era mu banga erigereddwa LVEMP II etuuze n’enkiiko n’ebitongole oba ebibiina ebikola emirimu gyayo.

■ Okussaawo enkola ey’okwogeraganya ennambulukufu era n’okwogeraganya n’abantu mu banga erigereddwa. Enkola eno erina okuyita mu mukiise oba ekitongole ekyalondebwa okuikiirira abantu.

■ Okugabana ku bumanyirivu abantu bwebafunye oluvany- uma lw’ebyo ebikoleddwa LVEMP II mu mawanga amalala (na- ddala enkola ya ppulojeekiti entonotono ezatandikibwaawo aban- tu (Community- Driven Development (CDD) sub type projects)

■ LVEMP II erina okulaba nti mu banga erigereddwa ,ekyalira abantu esobole okumanya embeera y’ennyini entuufu ey’emirimu egikolebwa.

■ Okulambika obulungi ensonga y’okuwa ekitiibwa ebirow- oozo byonna ebiwereddwayo abantu.

■ Wabeewo enkola ey’okubeera nti buli alina akakwate ku LVEMP II yetaaba mu ntekateeka n’ebikolebwa byonna ku miten- dera egy’enjawulo.

■ Wabeewo obwangu mu ntambuza y’emirimu n’okukendeeza emiziziko gyonna mu nsonga zonna ez’okusalibwawo

■ LVEMP II etegekewo okukyaliraganya, kiyambe ebibiina byewa obuyambi okubangawo enkolagana mu bitundu byonna LVEMP II mwekolera.

**Ensonga ezikwata ku baganyulwa mu LVEMP II (ebibiina eby- atandikibwa abantu)**

■ Abantu okubeera n’obwebange okusobola okufuna n’okumanya byonna ebifa ku nzirukanya ya ppulojeekiti entonot- ono ezatandikibwaawo abantu (Community- Driven Development (CDD) sub type projects),buli kiseera awatali kukugirwa okwengeri yonna.

■ Okulaba nti sente oba obuyambi obuwereddwayo bukoz- esebwa ekyo kyenyni ky’ezitekkeddwa okukola era nga kyesigam- iziddwa ku ndagaano za ppuloojekiti ezaakolebwa ne zissibwako n’emikono.

■ Okubeera n’enkola esobozesa okumanya amangu dda- la ensonga yonna ey’embagirawo eyinza okulemesa ppuloojekiti zino entonotono okutambula obulungi.

■ Abantu babeere abasaale okuwagira enkyukakyuka en- nungi nga bayita mu kusomesa bannaabwe era nga bassa mun- kola n’okusaasanya entekateeka ey’okukuuma n’okukozesa obu- lungi obutonde bwensi.

Ekiwandiiko ekirambika LVEMP II by’egenda okukolera abantu n’engeri gy’ebinakolebwa (Client Service Charter): enkola empya mu ntambuza y’emirimu gya LVEMP II.

Ekitongole kya EA SusWatch Network kiwagira ne ssekuwagira okussaawo ekiwandiiko ekirambika LVEMP II by’egenda okukolera abantu n’engeri gy’ebinakolebwa (Client Service Charter): kino kij- ja kusobozesa okwongera amaanyi mu mirimu egikolebwa ssaako n’abatu abali mu kitundu ekirimu ennyanja Nnalubaale okufuna byebasuubira mu LVEMP II. Ekiwandiiko kino ekya LVEMP II (Cli- ent Service Charter) kyeggasse ku bintu ebikozesebwa mu LVEMP II, era nga kijja kweyambisibwa okulambika ebirina obikolebwa abantu ssaako nebinakolebwa ebitongole eby’enjawulo ebiyam- bibwa LVEMP II.

ENDS